




LIBRE
DES
PROIS
ETATS
DE LA
LANGRE

A. D.

108

LIBRE
DE












GLOSS

R749

35481 R_u



CLO

R

esta
des



La deliberatiō des trois
estatz de france sur l'entreprise
des Anglois et Suisses.





La
A
L
D
E
D
E
D
S
L
E
P
L
E
T
D
P



An que suisses nation tres austere
Lest efforcee mettre frâcoys au taire
taschât destruire leur noble et ric he aitre

Lan q̄ angleterre qui se vante richeestre
A desploye halebardes / picques arcs
Luidant destruire le pays des picars
Deliberee le bien diceulz piller
Et tout razer iusques au dernier pillier
Vne tournee madide rosifere

En Vng iardin nō pas pour roses y faire
Mais seulement pour moy esbanoyer
Je me trouuay dessoubz Vng bas noyer
Aupres duquel sans latz colier ne chaîne
Dis Vne mort auoir coupe Vng chesne
Du glan duquel lyon nouuel païssoit
Sans bruit ne noise comme si la paix soit
Ledit lyon fut lesditz glans baisant
Et prouffitoit les changent en bezant
Puis me approchay aupres d'aulcūz carreaux
Les regardant et me arrestant car eaulz
Entour estoient le temps estoit de puer
Felon fier froit saison ne estoit de Ver
Car lors regnoit capricorne le signe
Qui aux humains tousiours froidure signe
Par bon moyen faisant le saige taire

Et par climatz chassant le sagittaire
En ce iardin Vng parc de noble fleur
Tout au milieu estoit plus blanc que fleur
Plus redolent que odeur de baselic
Entour lequel couleur ou baselic
Chasse dung ours estoit par Vng coste
Du noble parc lequel a tant couste
Au iardinter qui la fleur iardinoit
Pour et affin que mal au iardin ne ait
Daultre coste Vng rosier miparty
De blanc et rouge estoit au my parti
Dont la blancheur n'estoit pas esuee
Sur la rougeur exaltee et leuee
Qui me apparust ceste heure estre enflamme
Par son ardeur qui la blancheur enflamme
Dudit rosier dont ie fus estonne
Tout ainsi que sil eust pleu et tonne
Lors il eut eu. puis soudain me apparust
Vne Vieille aigle qui du rouge part eust
Et print repeue puis Vng beau caillou tédru
Fort remuoit et taschoit a le tendre
Audit iardin / faisant maint Vol et cours
Autour du parc des prairies et des cours
Et de son Bec laigle fort sessorcoit
De faire feu affin que ce fort fait

E
J
D
Le
N
L
D
D
E
L
M
P
N
L
E
E
F
D
E
N
C
E
L
D
E

En ce beau parc qui bien estoit parfait
Fut tout deffait et ce monstroït parfait
Dng peu apres chersay le iardinier
Lequel trouuay qui le iardin nyer
Ne me voult lors dont te fus estouy
Considerant auoir Veü et iouy
De telle entree excellente et ardue
Qui ne me estoit pour science ne art deue
En me approchant luy fis la reuerence
Car digne fut quon le reuere en ce
Myeuly quil ne fut / puts soudain me dressay
Pour et affin de estre par luy dressay
Par le iardin qui ne me fut forclos
Lombien quil fut de murailles fort clos
Et me monstra ou me debuois retraire
En me disant que lyuer fait rez traire
Feullaiges Vers apres le temps de autonne
Qui la liqueur de leste garde a lôme
Et que les arbres racine ne Verdure
Ne ont de Vigueur autant que quât Ver dure
CLe iardinier estoit Baillant francoys
Et ordonna que a ce iardin franc soys
Lôgneu par luy que ne estoys mal Vieillant
Dudit iardin sur lequel fut Vieillant
En demonstrent auoir soucy et cure

Sur tous les arbres en faisant mainte cure
En rescindant toute mauuaise plante
Et esperoit que a ce prin temps il plante
Bonnes racine / et portoit feu ardent
Affin quil fut le superflu ardent
Desditz arbres et faisoit bon debuoir
Mais Vng point fut / il fut marry de Veoir
Lespine rouge estre trop plus piccante
Que nest la blanche / ce nō obstant picque enti
En ce beau parc Vne fleur bien regnee
Qui fut d'ung fleuve par noble terre nee
Et par grant soing ceste fleur regardoit
Lomme celuy qui sur ce regart doit
Et estimoit Vng tresor et auoir
Vne telle fleur en ce beau parc auoir
Et la garder tres fort trauaille et peine
Longneu par luy que tendre sans espines
Fut celle fleur fort odoriferante
En esperant que seroit odeur ferente
CAprès quil eut delle tenu deuise
Doult chasser laigle et la Branche deuise
Du laigle fut qui tost son Vol apri
Monstrant du bec le caillou estre a pris
Et par pensee laigle Vielle et maligne
Le beau caillou emporta a maligne

Haſtiuement dont par merencolie
Lomme celuy que la mere encoz lie
Se monſtroit triſte puis traueſant iardins
Me demonſtra herons/ſaulcons/ iars/ daings
Beſtes ſauluaiges en tres grant affluance
Autour du parc qui touſiours afflue en ce
Puis me monſtra en paſſant la froidure
Que noble fleur ne eſt mal lors que froit dure
Vng appentis fait de lances queſnois
tenu leue de hardis lanſquenois
Et daultre part Vne tres noble eſcoſſe
Seruoit dapuyz affin que froit eſcoſſe
Deuant le parc que froidure ne playe
La noble fleur et que du froit ne euſt playe
CAprès que te euz par long temps ſeiourne
Plus eſbays que ſi a ce iour nay
Je fus alors car Vne noble dame
Saiſſe bien belle garnie de corps et de ame
Dres de moy Vis ayant charge totalle
Dudit iardin qui ma dit que toſt aille
Auec elle tout le long du carrel
De noble fleur ce eſt tout Vray car elle
Fort me incitoit monſtrant ſon noble arroy
Reſuſe ne euſſe nōplus que au dit du roy
Et Voulentiers ie eſcoutois ſa deuſe

Et Vis son nom en tres belle deuise
Escript en or son nom estoit prudence
Et iardinoit monstrant estre prude en ce
Lois quant elle me eust au iardin pourmene
Et que long temps me auoit et prou mene
Me demanda si bon ancre en cornet
Lantuet plumes bon papier et cor net
Pour tost escrire aux trois estas diuers
Vng mandement prosaigne en dix Vers
Pourroys finer/ausors te dis ouy
Qui Voulentiers a mon propos ouy
Voyant laquelle me bailla parchemin
Affin descrire et porter par chemin
Le mandement que faire auoys promis
Honestement/et alors ne prou mis
Occuper temps soubz elle copier
Tout son recit Voyant Vng coc piet

La teneur du mandemēt aux trois estatz
de frâce par dame prudēce trāsmit et enuoye



Laichēt tous ceulx auxquelz
il appartient de par nous das
me prudence a present residen
te au chasteau de bon espoir.
Lōme il soit ainsi que depuis
peu de temps se solent esmeuz

en nostre prouince francoyse plusieurs rixes
noises/discors/diuisiōs et inueterees discentiōs
de la partie anglique et aultre estrange et bar
bare nation a ycelle iointe confederee
et aliee au grant detrimēt de nous noz trois
estatz et de nostre royaulme. Le considere man
bons ces lettres Deues no^r donner bōne briefue
et seure responce affin que de nous ycelle enten
due et ouye soit a linueteree rancune des dessus
ditz obute et Vigoreusement resiste Et tout sur
les peines en tel cas accoustumees. Donne au
lieu predict ce premier iour de lan empres le cha
stean de forteresse et signe

Prudence

Le mandement tout signe et scelle
Force d'argent Vng bon cheual scelle
Pour diligence me furent deliures
Et Vng habit tres plaisant de liurees
Obtins dicelle pour ma cōmission
Qui gracieuse estoit comme epion
Alors souldain fuyant ors et cas Viles
Me transportay par les Villages et Villes
De ce royaulme me adressant aux baillifs
A tous lesquelz mon mandement baillies
Qui deuant moy de peur quoy ne me trōpe

A criit public et au son de la trompe
Narrer le firent / puis le Vis par piez Vaulx
Les trois estatz accourir aux preuostz
Pour y pourueoir comme seroit de droit
En allegant canon ciuil et droit
Et fut conclud pour premiere ordonnance
Que pour premier leglise ordonne en ce
Secondement que lestat de noblesse
En delibere / et que en ce ne nous blesse
Et tiercement que labeur tout par roole
Du mandement tint deuisse et parole
Dont et duquel longg temps fut dispute
Et pour escrire diceulx fus depute

¶ La deliberation du tres deuost estat
de leglise

¶ Combien que gens de lestat de leglise
A Violence ne doituent auoir main mise
Mais doituent estre tousiours disans seruices
Combien quilz ayent facon notable exquisite
De toute gens mieulx prisee et requise
Et que de dieu obtiengnent benefice
Dopinion suis que chascun clerc nouice
Presbres abbez facent procession

Requerans dieu par grant deuotion
Qu'il nous enuoye ce qui nous est propice
Combien quil faille que sur les estatz luyse
Le nostre estat et que pecheurs reduyse
En corrigeant de tour en tour leur vice
Combien quil faille de coustume et de guise
Que en nostre estat nul hōme se deguise
Et qu'on ne face a aucun malefice
Dopinion suis qu'on ne se monstre nice
A prier dieu en contemplation
De cueur contrit par grant affection
Qu'il nous enuoye. cc.

Combien quil faille par notable deuise
Que nostre estat tous les aultres conduyse
Et nous seruir aultres ne facent obice
Combien quil faille que nostre estat reluyse
Par bon exemple et que peches desprise
De tous mondains que dieu ne les pugnisse
Dopinion suis que tost Vng chascun ysse
A prier dieu par grant compunction
Acelle fin de oster lafiction
Qu'il nous enuoye. cc.

Prince contante ie suis que chascun disse
Despres matines et qu'on assugētisse
Tous les suppotz de ma Vaccation.

Et prier dieu en grant contriction
Qu'il nous enuoye ce qui nous est propice

¶ Lacteur

Incontinent dame noblesse sort
En allegant que cestoit son droit sort
Parler apres puis elle proposa
Ce qui sensuit et si ne prou posa.

¶ La deliberatiõ du tres noble estat
de noblesse.

¶ Le mandement par prudence transmis
Aux trois estatz/responce doit auoir
Elle nous mande que auons des ennemis
Cest tresbien fait nous le faire assauoir
Puis q' a tout mal on doit anglois mouuoir
Cõtre francoys par la foy que a dieu doibz
De resister contre eulx feray debuoir
Car france est cimiterie aux anglois
¶ Elle nous mande quilz ne sont endormis
A nous piller et rober nostre auoir
Et quilz ne sont trop lasches ne desmis
Et que de brief nous doibuent Venir Deoir

Leſt tresbien fait nous le ramenteuoir
Deuant que en france Viègnent faire effrois
A celle fin par bon ordre y pourueoir
Car france eſt cimiterie aux anglois
¶ De tout bien fait anglois ont cueur remis
De ainſi Vouloir traifon concepuoir
Et pour ce faire ilz ont tous leurs ars mis
Mais quilz ſe gardent francoys Venir reuoir
Car ſi la mort y debuoyſ recepuoir
Ilz comparront le mal fait aux francoys
Je leur conſeille nō bougier ne mouuoir
Car france eſt cymitiere aux anglois
¶ Prince quon note que ſi debuoyt plouuoir
Pierres/caillouy/florira blanche croix
Ne taſchent plus anglois nous decepuoir
Car france eſt cimiterie aux anglois

¶ Lacteur.

¶ Labeur apres en ſon ordre parla
Recogitante et par cy et par la
Plusieurs eſcriptz contenās les griefz fais
Par les anglois contre les francoys faitz

¶ La deliberatio de leſtat de labeur

Recogitant la mauuaistie anglique
Unique et faulce par anglois faicte en france
Il me conuient que du tout ie mapstique
En contre yceulx a faire resistance
Le temps passe ont robe ma substance
Bien men souuent plus nen Deulx enduret
Il fault que face contre yceulx Violence
Et en murmure qui Vouldra murmurer
Leur traizon est du tout malefique
Diabolique plaine de malueillance
Leur faulcete pire est que cerberique
Et sathanique de nous faire greuance
Mō bien/mes tres/mes cheuaulx ma cheuāce
Le temps passe ont prins sans mesurer
Si seulle estois si leur feray le greuance
Et en murmure qui Vouldra murmurer
De enduret de eulx seroys trop fantastique
Trop lunatique et plaine de insciance
Jayme trop mieulx quon me tue dune picque
Et de tout perdre mon auoir et puissance
Que dessus moy monstre leur arrogance
Comme ilz ont faict ie la Deulx recuser
De france suis/pource fays le deffence
Et en murmure qui Vouldra murmurer
Prince iesu Unique en trine essence

Permetz en pais laboureurs labourez
Du autrement laboureurs porteront lance
Et en murmure quiouldra murmurer

Lacteur

Quant les estatz eurent faitz leurs esditz
Je me dressay deuant yceulx et diz
Que temps estoit de yceulx eulx deporter
Pour et affin me haster de porter
Ceste responce et leur delibere
Deuant ma dame / or donc deliberay
Je fus alors monstrier hastiueté
Et que auois tousiours hatif este
Sur la responce et ce que auoyz en charge
Lors les estatz me baillerent ma charge
Disans ainsile bon temps esperons
Incontinent picquay des esperons
Pour et affin de trouuer bon party
Au dit chasteau duquel estois party
Du quel trouuay prudence sans nul blasme
Qui me voyant de mon fait ne me blasme
Lors luy baillay les responces fort closes
Des trois estatz qui ne furent forcloses
Dicelle dame me promettant de veoir
Le contenu et en faire debuoir.

CLe nom et furnom de l'acteur

C Prelatz deglise suppliez dieu le pere
Jesus son filz quil garde de improperer
Entierement ce bon pays de france
Recogites langlique ditupere
Remedites que lennemy properer
Ennoblite ceurs submettre a violance
Vous nobles gens monstres Vo^r Valeureulx
Adeschasser de ses pays eureulx
Ses faulx anglois et barbarins suyffes
Honneur aures / Vous aussi laboureulx
Occupes Vous soyez aduantureulx
Tous les combatre car en guerre sont nices

Epplicit.



